



Tuhaqtitauyughaq



GN-kut Naamagiyaa HTO-kut Piyumania Kikliqaqtilugit Ingattangittaangani Salliit Qikiqtaani Tuktuit Kayangnarhiyut

SALLIIT, Nunavut (July 5, 2012) – Nutaaq ukiuq tammat anguniarnikkut kiklighaq imaatut 1,000nik tuktunik atuqtipkaqtaulirniaqtuq ukununga Salliit Qikiqtaani tuktuinut uvani July 1, 2012mi.

“Mamianaugaluaq taimailiuqtauyughaulirapta kikliqaqtipkalirhugu anguniarniit, kihimi una qanuriliurutaunginnarutighaq qilamik ihuaqtumiklu kiutjutighaq ihuanginnirmut, taimaatut aulapkainiarhimaraanginnaquplugit tuktuit kingunighaptiknut,” uqaqtuq Nanngariyauyuq James Arreak, Minista Avatiliqiyitkunnut.

Piniarhimatjutit tatja ihumaliurutauyuq ataani *Uumayulirinirmut Maligaqmi*, ataani taimaatut Minista Avatiliqiyitkunnut piqaqtuq atanniqtuitjutimik piyaaqtuq tatjainnaq tammaqtailinikkut hilitjutighamik aallangayuni upinngaqtauhimanikkulluunniit qanurinninginni. Taapkuat tamatqutihihimayuq angiqtauhimayut anguniaqtaaqtaait (TAH) ukuaklu malruuk pitjutiqqtuq ilaungittuk-kiklighaqarnirmut atuqtipkaqtauliqtut kiutjutaupluni amigaqtumut tukhirutumut ukunga Salliit Anguniaqtiit Timiqutaanit (HTO).

“Inuit tautukhimaliqtut ikikliyuummiliqpiiaqtunik tuktunik hamani hapkunani qaangilihaarhimaliqtuni ukiuni,” uqaqtuq Noah Kadlak, ikhivautalik uqalluaqtiuyuqlu ukununga Aiviit HTO Salliinmi. “Pitjutigiplugu nunallaaq, HTO-kut katimayit takuyumayut hulinirmik uumuuna tuulliiqtinnagu, tuktuiqtinnagulu qikiqtami.”

Aularaanginnaqtut qauyiharniit tautuktitait taapkuat Salliit Qikiqtaani tuktuit ikiklihimaliqtut hapkunanga imaakiaq 30,000nit tuktunit 1997mi uvunga 7,800nut tuktunut 2011mi, ikikliniqarhuni tikitqayarhugu 75%. Nurrinirniit amigaitilaangit tamainnilu tuktuni aannianginnikkut ikikliyut, pipkaiyuq qangannuaq qanuriliurutinik amigaiquyummiqtiirnikkut anguniarnikkut aghuurutit tahapkunani tuktuni ihumaaluutinguqpiarhuni. Angikliyuummirniq tuyuqnikkut aallanut nunallaanun ihumagiyauyuq taimailitjutipkaiyuqlu. Avatiliqiyikkut (DOE) ihumagiyait tuktuit Salliit Qikiqtaani nunguttaaqut qakugunnuaq imaatut pingahuni ukiuni taimaatut tatja anguniarnikkut amigaitilaangit aulahimangitpata.

DOE havaqagitgivaktait Salliinmi HTO-kut nunallaamilu anguniaqtiit amirinikkut Salliit Qikiqtaani tuktuinik. Kiupluni nunallaamit ihumaalutinik, DOE havaktiit havakpaktut aallamiktauq tingmitikkut qauyiharnirmik atulihaaliqtillugu June piyaamiknik nutaatqiyauyumik amigaitilaatigut nalaunnarutighamik. Qauyiharnikkut inirutait tuniyauniaqtut nunguliqqat una tatqirhiuti, tuniyauniaqtullu HTO-kunnut ihivriutaulutik piliuriamik hivitutqiyauyunik amirinikkut pitquitjutighanik tuktuinut.

Tamaita 1,000 tuktuitigut haviqutighat ukununga pipkaqtitauniaqtut Salliinmiunut.

Takulugu ilaliutihimayug hivuatigut/APIRHUUTIGIYAURAANGINNAQTUNUT titiraq.

Uqarvighat:

Jacque Pepper
Atannguyug Tuhaqtipkaitjutighani
Avatiliqiyikkut
Hivauyaut:: 867-975-7721
Qaritauyakkut jpepper@gov.nu.ca

Noah Nakoolak
Atannguyaq, Aiviit HTO
Sallit
Hivauyaut: 867-925-8622
Qaritauyakkut: aiviithto@qiniq.com